



RUDNICI MRKOG UGLJA «BANOVIĆI» d.d. BANOVIĆI

Ulica Armije BiH 52, 75290 Banovići; Bosna i Hercegovina;

Telefoni-Centrala: 00387 35 870-600; 875-010; Fax: 00387 35 875-166

Rješenje Kantonalnog suda Tuzla br: U/I-0891/98.

ID PDV broj: 209329530001

Identifikacijski broj: 4209329530001

Porezni broj: 03421100

www.rmub.ba



Broj: 10826 /20
Datum: 13.07 2020

Na osnovu člana 69. stav (2) tačka d., člana 25. i 70. st. (1), (4) i (6) Zakona o javnim nabavkama („Sl. glasnik BiH“, broj 39/14), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), člana 82. Statuta RMU Banovići d.d. Banovići broj: 317/16 od 11.01.2016.g., člana 34. Pravilnika o javnim nabavkama roba, usluga i radova broj 5764/15 od 13.05.2015. g. , i na Preporuku Komisije za nabavku iz Zapisnika o pregledu i ocjeni ponuda broj: 93ZC/20 od 13.07.2020. godine, u postupku javne nabavke: **NABAVKA DVA BULDOZERA GUSJENIČARA (C-R-I 01/20)**, Ugovorni organ RMU „Banovići“ d.d. Banovići, je donio

ODLUKU o poništenju postupka javne nabavke

Član 1.

Poništava se postupak javne **NABAVKA DVA BULDOZERA GUSJENIČARA, broj nabavke C-R-I 01/20** iz razloga:

„Nijedna od primljenih ponuda nije prihvatljiva“ (član 69. stav 2. tačka d. Zakona o javnim nabavkama BiH), čime se poništava Odluka o izboru najpovoljnijeg ponuđača broj 9200/20 od 12.06.2020.godine, Zapisnik o pregledu i ocjeni ponuda broj 65-ZC/20 od 10.06.2020.godine, Odluka o izboru najpovoljnijeg ponuđača broj 10044/20 od 29.06.2020.godine i Zapisnik o pregledu i ocjeni ponuda broj 72ZC/20 od 29.06.2020.godine.

Član 2.

Za izvršenje ove odluke zadužuje se i ovlašćuje Komercijalni sektor.

Član 3.

Ova odluka objavit će se na web-stranici www.rmub.ba.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 4977/20 od 26.03.2020.g

Javna nabavka je sprovedena otvorenim postupkom.

Procijenjena vrijednost javne nabavke bez PDV-a je 1.600.000,00 KM.

Obavještenje o nabavci broj: 565-1-1-147-3-142/20 objavljeno je na Portalu javnih nabavki dana 22.04.2020. godine, a sažetak obavještenja o nabavci objavljen je u „Sl. glasniku BiH“, broj: 23/20 od 24.04.2020.godine

Komisija za javnu nabavku imenovana je Rješenjem broj: 5047/20 od 27.03.2020. godine.

Komisija za javnu nabavku dostavila je dana 13.07.2020. godine Direktor Društva Zapisnik o pregledu i ocjeni ponuda broj: 93ZC/20 od 13.07.2020.g. u postupku javne nabavke „**NABAVKA DVA BULDOZERA GUSJENIČARA**“.

U postupku po Izvještaju o radu je utvrđeno da je Komisija za javnu nabavku blagovremeno i pravilno sačinila odgovarajuće zapisnike, u kojima je utvrđeno sljedeće:
- da nijedna ponuda nije kvalifikovana i prihvatljiva za Ugovorni organ.

Ponuda ponuđača TEIKOM BH d.o.o. SARAJEVO nije kvalifikovana iz sljedećih razloga:

- Ponuđač „TEIKOM“ d.o.o Sarajevo je u svojoj ponudi na stranici 15. naveo da je radni specifični pritisak na tlo 80,704 [kPa] i istu vrijednost je dobio na osnovu izraza-formule date u izjavi na strani 105 ponude. U pomenutom izrazu navedena je vrijednost L_6 – gabaritna dužina lanca [mm] koju je ponuđač u pojašnjenju ponude broj 086-VS/20 od 09.06.2020.god. dodatno obrazložio. Ponuđeno obrazloženje je nejasno i ne precizira eksplicitno šta je ta mjera i na koji način je dobivena njena vrijednost. Dalje, u ranije pomenutom pojašnjenju ponude, ponuđač navodi novu vrijednost specifičnog pritiska na tlo 91,692 [kPa] koja je različita od ponuđene.

Ponuda ponuđača NGH d.o.o. TUZLA nije kvalifikovana iz sljedećih razloga:

- Uvidom u dostavljenu ponudu ponuđača „NGH“ d.o.o. Tuzla na strani 131, u dijelu ponuđene karakteristike pod tačkom 1.1. eksplicitno se navodi da je masa buldozera 37589 [kg] sa instalisanim priključkom za tegljenje i vuču. Provjerom u dostavljenom katalogu (strana 75 originala, 87 ovjereni prijevod) konstatovano je da se navedena masa od 37589 [kg] odnosi na mašinu bez priključka za tegljenje i vuču. Masa priključka je data na strani 77, odnosno 88 ponude i iznosi 576 [kg]. Dakle, ukupna masa buldozera je 37589+576=38165 [kg]. Iz svega ranije navedenog konstatujemo da je ponuđač naveo netačan podatak.
- U dostavljenoj ponudi ponuđača „NGH“ d.o.o. Tuzla na strani 131, u dijelu ponuđene karakteristike pod tačkom 1.4. ponuđač je naveo kako nudi „Hidrostatski diferencijalni sistem upravljanja gusjenicama koji omogućava da se gusjenice kreću različitim brzinama, tako da je snaga motora u potpunosti iskorištena.“ Provjerom u dostavljenom katalogu mašine (strana 72, odnosno 84 ponude), nedvojbeno se vidi da ponuđeni buldozeri imaju hidrostatko upravljanje bez diferencijala.
- U dostavljenoj ponudi ponuđača „NGH“ d.o.o. Tuzla nije ispunjen zahtjev iz tačke 7.3.1. tenderske dokumentacije, odnosno ponuđač nije dostavio tražene dokaze iz tačke 7.3.2. gdje je uz izvještaj Centralne bavnke o računima ponuđača bilo potrebno dostaviti i spisak svih banaka u kojima ponuđač ima otvorene račune te Potvrde od svih banaka da računi nisu u blokadi.

Ponuda ponuđača TEKNOXGROUP BH d.o.o. SARAJEVO nije kvalifikovana iz sljedećih razloga:

- U Aktuelnom izvodu iz sudskog registra broj: 065-0-RegZ-20-002513 od 01.04.2020.godine izdato od Općinskog suda Sarajevo koji je priložen u ponudi (strana 32. Ponude) utvrđeno je da zakonski zastupnik direktor Mirza Sabljica ima ograničen obim ovlaštenja. Ponuđač nije dostavio obrazloženje navedenog ograničenja ovlaštenja.
- U svom pojašnjenju TG-092/06-2020 nije na pravilan način u skladu sa ISO 16754 dokazao vrijednost radnog specifičnog pritiska.
- Na stranama ponude od 65 do 80, priložen je katalog ponuđene mašine-buldozera pod oznakom AEHQ8144. Provjerom na zvaničnoj Web stranici proizvođača nismo pronašli navedeni katalog. Na stani 47 ponude, navedena je masa protutega od 2437 [kg], a provjerom u dostavljenom katalogu ista nije nigdje navedena
- U ponudi naveo je da prihvata zahtjeve Ugovornog organa iz tačke 1.13 i naveo da je Izjava u prilogu. Pregledom kompletne ponude, utvrđeno je da navedena Izjava nije dostavljena u ponudi.
- U ponudi nije navedeno da je usluga za monitoring CAT LINK trajne priroda (bez vremenskog ograničenja) i da je usluga uključena u ponuđenu cijenu.
- Nije dostavio potvrdu o solventnosti za bankovni račun pod rednim brojem 3 kod Raiffeise bank d.d. Sarajevo
- Na strani 99 je utvrđeno da je priložen detaljan spisak standardnih alata za buldozer CAT D8T – za jednu mašinu. U predmetnoj Tenderskoj dokumentaciji na strani 8, u dijelu Detaljan spisak standardnih alata je traženo: „Navedi odvojeno, za svaki buldozer detaljan spisak svih standardnih alata koji su obuhvaćeni isporukom“, što znači da nije dostavljeno u skladu sa traženim zahtjevom.
- Tenderskom dokumentacijom u dijelu Tehničke karakteristike predmetne nabavke, pod tačkom 1.18 Servisne usluge (strana 7 TD) je traženo :
„Servisne usluge po isporuci buldozera dostupne u BiH na lokaciji ugovornog organa u roku od 24 sata po pozivu“. U ponudi na strani 61, u dijelu tabele ponuđene karakteristike je navedeno:

- „Servisne usluge po isporuci buldozera dostupne u BiH“. što znači da izabrani ponuđač nije dostavio u skladu sa traženim zahtjevom.
- U dostavljenom katalogu nije pronađena potvrda da ponuđeni buldozeri imaju-posjeduju odmagljivač, FM radio i svjetlo u kabini

Nadalje, u postupku ocjene provedenog postupka, Ugovorni organ RMU „Banovići“ d.d. Banovići nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom. Naime, u postupku predmetne nabavke nesumnjivo je utvrđeno da nijedna primljena ponuda nije kvalifikovana i prihvatljiva, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav (2) tačka d., člana 25., člana 70. st. (1), (4) i (6) Zakona o javnim nabavkama („Sl. glasnik BiH“, broj 39/14), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 člana 82. Statuta RMU Banovići d.d. Banovići broj: 317/16 od 11.01.2016.g., člana 34. Pravilnika o javnim nabavkama roba, usluga i radova broj 5764/15 od 13.05.2015. g., odlučeno je kao u članu 1. ove odluke.

DOSTAVLJENO:

- Komisija
- a/a.

V.D. DIREKTOR

Fadil Kudumović dipl. inž. rud.



Transakcijski računi:

161 0250 007 190075 Raiffeisen bank d.d. BiH, filijala Tuzla
132 1300 309 179345 NLB Banka d.d. Tuzla, filijala Banovići
187 2000 000 044917 Postbank BH d.d. Sarajevo, filijala Živinice
154 3602 003 310866 Intesa Sanpaolo banka d.d. BiH

306 0450 000 163538 Hypo Alpe Adria bank Bosnia d.d.
140 4010 018 681113 Sberbank BH d.d. Sarajevo
186 0001 048 962098 Turkish Ziraat bank Bosnia d.d.
338 4402 212 197081 UniCredit banka d.d. Mostar
555 0530 049 467130 Nova banka AD Banja Luka, ekspozit. Tuzla